

نهار عجوز

نهار عجز

(شعر بالعامية المصرية)

محمد عبدالحسن مطر

اسم الكتاب : نهار عجموز
اسم المؤلف : محمد عبد المحسن مطر
النوع : شعر عامية

رقم الإيداع : ٢٠١٩/٨٦٤٥

الترقيم الدولي : 8 - 8 - 85453 - 977 - 978

المراجعة اللغوية : حمدي عبد الرازق

الإخراج الداخلي : فتحى عبد الرب
وتصميم الغلاف

المدير العام : نورا جويبة

المستشار العام : محمد جاديش

مدير النشر : أحمد عبد الجوار



مؤسسة ضياء للأدب

بيت الشعر العربي

رئيس مجلس الإدارة : سهيل بن عبد الكريم

الإهداء

إلى أيامى التى صالحتنى طويلا

ثم التفتت إلى بوجه غضوب

مطر

بِعلم الوصول

قَضَيْتِ كَأَمْ عُمْرَ اغْنَى لَكَ؟

فِي فَرْحِكَ

فِي انْهْزَامَاتِكَ

فِي صَلَوَاتِي

فِي تَرْتِيلِي

حَمِيَّتِكَ مِنْ جُرُوحِ لَيْلِي

وَقَفْتُ قِصَادَ شَبَابِيكِ...

أَلَوْحَ لَكَ بِمَنْدِيلِي

عَشَقْتِنِي

وَدَقَّيْتُ فِ شَرَايِينِي

أَسَاسِ سَكُنِكَ

وَعَرَقِي...

يَا مَا دَاقَ الطَّمَنِي

مِنْ مَكَنِكَ

مَ أَنَا خُلَاصَةُ مَحَاسِنِكَ

وَمَجْنُونِكَ

بَادُوب...

فِي نُوحٍ أَرَاغِيلِكَ...

وَنَايَاتِكَ

يَارِيت...

وَأَنَا...

مَا بَاشُوفَشْ غَيْرَ بِيكِ..

تشوفينى

هاوارب باب مواويلى ف ردى لى...

هبوب الزعقة والوخشة...

الى داخلانى مع الخلان

ماتصطبريش على بوحي...

لتخنقتى غناوى

ولو شمّعتك...

لقانى منغوس النية...

تخلّى ريقك الموصوف...

يرطب من شروخ دمي

جبينى تعصبيه بالصوف

وقلبي تصبغيه بقلقك...

لو الدمعات هتترازل..

تملّح وردتين للشوف

أنا ورودك

أنا الفرع اللي شادد حزمة الأحلام

أنا البذرة المقاوحة...

في الحلق البور

أنا المستور

وانا اللي شربت م الكيعان

وانا تطويحة العاشقين...

في حُضْن الذِكر والحضرة

تناغم نشوتي عُودك

نرُد الميل

ماتستغنيش

ما انا المايل وانا المبتدا

انا احتقان البروق في المدى

انا البرتقان اللي خاصمه الندى

وانا اللي في توهتك..

بالف الحوارى واناى عليك

ولا مرة سالت عيون الشوارع...

تلم الصدى

وترسم لى باب

أنا الولد اللي ماتولدوش

بنتخلق فى ظهر جريح

نشاوِرْ لِكْ

بأرواحنا اللي عَشِقْهَا الجوع

درج السلاّم دَوْبِه هَمّ الطلوع

زَعَق البروجي في المتاهة رجوع

وَسَعَتْ حَصِيرَتِكَ لِلْغَرِيبِ

اتعكَّرت قِرَب السما

خيلك بترمح حممة

وحواصل الخيالة...

مزيكة رياح

وداد

كانت الشوارع...

تنتظر ضلِّي يعدي... تفتشه

وان لقيتني...

مخبي في جناحه...

مناري وعزوتي

تمنعي أواسي الشمس..

في مخاض الغروب

ومنين تدور الروح

ومنين ما تنهج قلوب

عفاريت من الأسمنت
حابسة دموع الزمن..
مزوقاها بصور
لضحك مات من سنين
ومخدرة السكان...
بالحكمة في المكتوب
قَصَدْتُ شيخ الحنين..
يجدل لي حبل هروب
فَرَشْتُ جَنَائِيهِ بِسَمْتِهِ
رماني بالعلامات
حضنتني ريحة الحارات
دخلتني بعزالها

بجروحها و عيالها
بطرح ود البيوت
بطيابة البلكونات
وبانتصار الخشب...
على كلابات السوس
بحيطان إذا همومي...
ركنت على صدرها...
ترقيني بالأرغول
بتطويحات الزار
بشمس على قدها
بصوصة كتاكيت...
هايصين ما بين الرجول

بمقرئين عواجيز...

تقتعهم الملاليم...

في الفرح والجنازات

بطهور عريس نونو...

جَه بعد خلفه بنات

بفرقة زغاريط...

ليتيمة جالها العدل

بجلجلة نقرزان...

داير بقربة أمل

قربت من قلبها

سألتني عن حالي...

دندنت مواويلي

فسقتني من ريقها

سكرت بشرابها

دراویشها سکنونی

واللیل طرح قنادیل

مرعرة بنورها

عشمي ف نظرة

جاي م الحواري السّد

وحيطانها العجوزة

جاي م الخناقات والتصافي والمناهة

جيت لك كده...

بريحتي المعاندة

بنومتي الغريقة في بحر العرق

بصوت الشوارع يزغرط في حلقِي

بهذه ناهري المنقرش بكدي

بدقني اللي شايلة صواني الإبر

بلمعة سجايري في كُحل الليالي

بصدري المخرّوش

بحلمي بحرارتك في صرّة خيالي

بشوقي لعشّي المفوّح بحسّك

بعيشي المغمّس بملح القلق

باحبكّ شديدة

في فرحة

في عرّة

بكفك تشقق مراية الدموع

بعذلة قوامك في ريح المواسم

بشوق احتضانك لقلبي المضضع

ببرق اعتراضك لخطوة كفيفة

بنجمك يعطر جناين لقانا

بضلك يدفي الزغابة النحيفة

بضيئك.. بهمك

بنسمة عيونك في صهد المواجه

ترفر

تحوَّط عزائم أملنا

وتنبذر في وقت انكسار الأهلة...

تقاوي الشموع

باحبك طلوع

تدسِّي الخناجر في كذب الضلوع

تحني الخريف المعتق في روعي

بضَيِّ الرِّبِيعِ

باشوفك في صَحْوِي ونُومِي كده

هاحبك بحُرْقَة

لو انتِ كده

حَفَانِ مِنْ طَمَى

لَمَّا سَأَلْتَهُ

لِيَهْ خَنْقُوكَ؟

بَدَرُوا حَبَابَ الْعَيْنِ حَرَّاسَ؟

شَنَقُوا بِرَاحِ الصَّدْرِ بِحَبْلِ الْغِيَمَةِ؟

جَدَلُوا ضَفِيرَةَ الْمَوْتِ

مِنْ فَجْرِ مَجْرَدِ الْإِحْسَاسِ؟

هَبَّ فَوْشِي

وَانْفَجَرَتْ مِنْ قَلْبِهِ حُرُوفُ:

- أَدِي صَحْنِ مَلَانِ بِالْخَوْفِ

- أحلام برغيف مبلول

- كُبَايَة شاي تتمنى يزورها خيال الشاي

- وصريخ مقتول...

من جثة جعانة لتوب

ولمنقد نار...

بيونس دار...

جدرانها تبوش...

لو زعقت ريح

على باب العتمة...

سؤال مدبوح...

يتنسم شهقة ضي:

جربتش تبقي شواشي الوقت

جبال مجبوره تفوت

وتموت في واديك؟

جربتش تبقى عويل

وحوصلتك تهضم حوت؟

جربتش يوسع جلدك

وتبيع ولُذك...

وتعيش عمرك كله مطاطي...

حتى ان عَذَى القطر عليك؟

جربتش تعشق عُما...

يفتح للعمى فى عينيك

شبابيك؟

جربتش يهرب طَمَيك

وينوح دمك؟

تفتح بَقْ هويسك...

يمزح صدر النيل والسد؟

لما تجرّب وانا وياك

مبدور حفانين...

من تحت اقدام الغول

بتنن جبان

لما تجرّب...

نشرب سم النشوة ونفرح

نصغر

نسقط

نغرق

ويز غرط في سمانا أدان

لما تجرَّب!

تعرف

إني حاولت ساعتها

أكون...

إنسان

أنا من عروقك

أنا م الحوارى والشوارع والعجايز والعيال

فى البدء كان الطلق... بيرج الجبال

يفرد ملامحك...

ع الصحارى زلزلة

يطلق دبيب الدم...

فى حضن العروق...

زغروطة فايرة...

فى الخلا

واما النجوم استغربت...

صوت الغنا

فتحت كفك فوحت... بشاير النور والغيطان

أنا من عيدان الزعفران

وانت اللي ياما عصرتني

جواك

ولمستني بإعصار بهاك

خليت دمايا ترتجف

لحظة ما قلبك ضمنى

قبل الطوفان

أنا من دفا الشتوية...

بعد ما يرق المطر
وانت العيون المفتونة...
بالقمح لما يزفُّه الطين
وانت السنين الفوارة
بالهم بتسين ضلوعي
وانت اللي جهزت شراعي
والزمزمية وشعر الخيل
حدفت ضيك...
في المتاهه يشدني
يرقيني بجريد المطارح
والريحان
أنا من تسابيح المكان

وانت الأذان اللي انفجر

في مناجم العتمة

وانت اكتمال بدر اللمة

في الولدة...

وف شهقة موتنا

وانت اللي خلعت ضوافر

كل اللي حاول يبني له منامه ف بيتنا

أو يسرق الأختام...

م النيل

البحر قدامك ووراك

فتش كويس في دولابك

شكلك محتاس!!

مش ده القلم الأبنوس

اللي خلّاها تتمحك فيك...

البنت ام ضفاير

وتقول لك جبته بكام؟

مش دي الأحلام...

اللي انتظرت عند الناصية

وسبتها البرد ياكلها؟

مش دا النصيب؟

قصة الحب...

اللي بدأت ع السلالم

وانتهت قبل الطلوع؟

مش دي الشموع...

اللى زرعتها فى المقام

رشوة تعديك الامتحان؟

اللى نايمين فوق رفوفك...

مش جيران

ولا المزهره فى سماك...

يشبه قمر

شخطة أبوك...

مش ناوية ترجع م السفر

طبليتك...

ما عادتش نسمة فرفشة

ولا الأحمر الطايح في عينيك...

صحنين عاشورا...

مزوقة بدم الحسين

أبزيم حزامك...

مهما تجليه باللمون...

مجنون بعشق الصدا

وصندل العيد اللميع

دى الوقت...

حاسبك م العدا

مشتاق للحسبة دندرمة

تزغزغ روحك؟

للشعبطة...

في ثُرماي ثلاثين؟

حاسب يا حزين

عودك قطمك

وهات يا تقليع في جدورك

زهق الشوارع بيزوم فيك

آدي جروحك...

مشقوقة...

لكن مابتنزفش

حتى دموعك...

حلفت ما تتدحرج ع الوش

مافيناش م الغش

او عاك تميل م الشيلة

اسأل نفسك:

مين م المخاليق...

هيبات على الكنبه العاجزة

ويسيب سريرہ...

يبيض لك سُود الأيام؟

هيمد كفه بجلابيه...

أو ندعة م القلة تطفيك؟

هيرمي تكشيرته ف ستين

ويزق خجلك ع البسطة؟

إنت ف ورطه

أول إصابة عيارها ثقيل

ترميك على القضبان مربوط

أعلى جبل تلجأ له...

هربان م الغرفة...

في نهايته...

سقوط

نرف

بنوح كروان...

نسج أعشاشه في عروقي

بكبشة ضريرة م الأحلام...

افكرها بعشرتنا...

فتعمل ودنها من طين

لقيتني في الخلا مسجون

زقتني سنيي الستين

ادتني...

نیشان (فاقد قيمة)

حَدَفْتَنِي

على طول الدراع بَرَّةَ الْوَرَشَةِ

حَرَمْتَنِي....

من ضحكة عفرة مداخنها

وَصَّتْ الْآبَوَابَ...

إِذَا اسْتَجَرْتِ...

وَعَزَلْتُ سَلامَ...

تَغَرَزَ فِي رُوحِي أَنْيَابُهَا

حَرَمْتَنِي مِنَ النِّهْجَانِ..

الصَّبْحَ وَرَا الْأَتُوبِيسَ

مِنْ جَرَحٍ

عَاشَقْتَنِي يَوْمَاتِي...

على المكناات

من شهد عَرَق شلال

م الكَرْكَعَة

م المَهاتِيَّة

من ألف جنين لقصيدة

اتولدوا...

فوق ترابيزة مصدّية

من حرف اتعوّدت انده له

يجاوبني...

شُبَّيك لُبَّيك

هاجت وحوش نفسي:

سيب التلاكيك

صَحِّي اقلامك

سلح حبرك

بلاشئه عذ السنين

مليت الزمزية حنين

بشمخة وهم غرتني...

جريت على ابويا في البرواز

ياحاج اسمح لي بالعكاز

السكه محتاجة المدد

ببسمه مافهمتهاش...

لبي لي مطلوبي

لا شفت زهوة أساه

ولا لما غول الهدد...

سَلَّطَ عِيَالَهُ...

يَرْحَبُوا بِشَوْقِي...

جَوَارِحِي سَمِعَتْ نَدَاهُ

وَصَلَتْ سَيِّدَنَا الشَّعْر...

النِّيَّةَ أَقْبَلَ إِيَّيْهِ

لَقَيْتَهُمْ...

خَزَقُوا لَهُ عَيْنِيهِ...

وَوَجَّهُوا...

رَأْسَهُ...

عَلَى الْقَبْلَةِ

معافرة

حفنة حروف بنرُشَّها

يمكن آمال

يمكن...

طراطيش الكلام

يمكن تكون...

شكَّة دبوس

يمكن أحلام

يمكن كوابيس

يمكن أنفاس...

ما صَدَقْتَ تهرب

لكننا لا نبطل...

ولا بنزهق

ادينا مخلصين للعهد

بنعافر

صحيح شفنا النسيم..

ع البُعْد متوتّر

لكنه أوّل ما لمحنا...

رمى السلام

شرارة ونس

كان البراح يعطش...

يتوضّى من بيتنا

نعطرّ عَزْلَ حواديثنا

ونفرش هوْلُه سَجّادة

رياح المُر تكايدنا

تبات الغنوة عَدُوْدَة

فيرمح مُهر ضحكنا...

يفوّح فينا تصهيله

ولو جَنّى الشّتَا...

رَفَّتْ عَصَافِيرُهُ...

بَخُورُ أَنْفَاسِنَا تَشْرُخُنَا

تَنْقَرُشُنَا...

تَقَاسِيمُ الْهُوَى خَرَزَةٌ...

فِي حَذِّ اللَّيْلِ

فَيَتَسَامَرُوا حَوْلَيْنَا

الْمَرَاقِبِيَّةُ

وَسَرِّيَّةٌ...

يَحَايِلُوا الرِّزْقَ بِالْمَوَاوِيلِ

وَشَغِيلَةٍ...

عَرَقَهُمْ خَاصَمَتُهُ الْقَنَادِيلُ

وَحُلْمُ بَيْشْتِكِي مِ الْبَرْدِ...

رشقنا ف حزنه بالصدفة

وقلّع عجوز...

إذا طقطع شرار العشق...

يتدفّأ

يسيلّنا الوصال زفة

وينهج...

في عروقتنا...

النيل

حبيب

وف كل مرة لما نتقابل

يفرد سؤاله يغطيني

ويحبك الفرشة عليّ

وما يطمنش...

إلا ان شافني...

كنيت في الدفا

وسحبني البوح ...

في نفق مسحور

كل ما روى ترفرف فيه

يضحك لى رغيف

تقابلنى شمس

تفرش لى رصيف

أحجاره قلوب حنَّاه

وفرع بخور

وعيون بتدمع شهد

أخذ لى عهد من النية

لو اتقابلنا فى الأحلام

وما بينا خصام

يكون كلامنا...

حليب صابج...

أصفى من ضحك عيال

لسه ما تعرفش فطام

لو كل مرة اليوم ينعق

بسمتنا تَكَرَّع وتَكِيدُه

الليل تتفتح تجاعيده

الدنيا تبات...

مع لبس العيد

والصبح يشاغل...

سرب غمام

مراسي

كان فيه على المينا ولد

ببرقّ القلع بضلوعه

ويصحح النجمة الكسولة بالغنا

يشيل فانوسه للطيور

يفرد قَمِيصُهُ...

تستخبّي م الهجير

ينحت لها الشبابيك في جدران السما

وبعد ما تنفّض هدمها م العفار

تنصب له شادر زقزقة

يعبِّي في النية الشقا
ويحارب العتمة اللي جارت ع البرور
ياما كان له ويا الموج...
مواسم للهازار...
والفضفضة
شمسه اللي طارحة ع الجبين...
وردة رضا
مشبوك في نبضه ضحكتين
وقلب طازة...
كل صبح بيتولد...
قبل الشروق
دايما يحاجي ع المراكب...

لما غول الملح...

ينفخ في الشقوق

يوماتي واقف للبروق

واخذ في حضنه دَفْئَه...

يرقيها ويوصي الخشب...

ما يطاطى راسه...

للحروق

أنا كنت طيَّة قلع...

بتبوس الرياح

شفت اصطباح الشمس بعيون البشر

زلزلني سعي اللقمة...

بين العراقيين

وشربت من كف السنين

دمع اللي ضاعوا...

في السفر

أنا كنت لسة يا دوب..

جزيرة اتشوّقت...

روح الشجر...

وبشاير النسمة...

وصريخ العيال

كان الخيال يَبُخ سِمُّه في السؤال:

إيه اللي شاغلِك غير حبيبة تسكنك؟

يدفي روحك قلبها؟

فين شطّها؟

ما أبعدك عن عطرها

حورية شاورت من بعيد أروح يمها

بحرّت لحد ما صرخ مجدافي...

واندهش الفلك

غزلت خيط الشبك...

من شقشقات الطير

حببتي طلعت م المحار

صاري وبوصلة...

وتربيطة حبال

هددت فيّ القلق

واتحزمت مواويل

مرة تمر جحنا السيول

ومرة نبقي دمعتين...

على خد نجمة طيبه

كاس الصبا عتق رحيقه...

زَفْنَا

ف بدينا شوقنا بالصلاة

وجرحنا صومنا

بالندى

في المبتدا حمولك مواتية

والمراكب طوع

كل المواني تفوت عليك

شرباتها حاضر والشموع

الريح ستاير نشوتك

وخلوتك...

جنينة قايذة بالربيع

وبعد ما عسلك هدي

هجمت عليك الأمارة

في سنانها جوع

لعيون بتضحك...

في الرضاعة والبكا

فيحق لك تسحب عضامك م القلوع

وترسّي عشك...

بين بيوت اتعودت

تبلى ريقها بالغيوم

ضروري تتطوَّح

وتنقل خطوتك

بين الهموم

البحر يبعد والنجوم

والطير تصيبه وحشتك

يا قسمتك

صبحت أناشيد العياط

شُعلة شياط جوة الرنة

يفضل يزوم الليل

ويتفك الرباط

فتدس صابعك فى الكفوف النونو

تاخذ البركات
وتقابل الضي اللي ساقط م العيون
ببوسه تغنيك السنين
يا هلترى الجدران...
هتصلب عود بذورك..
إذا اشتد الزمان؟
تزلزلك نوة حنين
فتنادي جناحاتك
تنسج حبال الوصل...
للبحر اللي سبته ع الطريق
يبش لك
يطويك فى صدره
تموت غريق

جميز معطوب

وصبحت فريسه ف صحرا

لشمس عروسه ف ليلة جلوة

بتصب عليك ماء الشهوة بالأطنان

وجيوش من رمل انتشرت جواك

من غير استئذان

عطشان...

وماfish ملو الفنجان من أي سراب

هاتف كداب...

بيقول لك...

فيه ع البعد اصحاب
في قلوبهم عَشْرَة قديمة... بطعم الجميز الصابح
وطبيخ فلاحى
وعيش بتاو
بيقول لك فيه أحباب
ليهم ارواح هتغيتك
لو روحك وقعت في الخية
ولو انت طيور تاهت عن أوكارها
هيكونوا فنار ودفا الغية
النيه تعيش في أمان؟
خليك إنسان
واتحمل...
ملاعيب الدنيا

تروس رماها المكن

نسمة هوا...

لسه بتتعرّف...

على سطوح البيوت... اتبسّمت

لما حيّاها الغسيل بالرفرفه

قبل البنات ما يقشروا

وخم الحبال

واما زقزق بالوصال فرخ اليمام...

اتسلطنت

الشمس لما اتمطّعت...

نشع الحيطان استجار

خشب الشبابيك العليّة

مفاصله لانت حبتين

زنت دبابير العسس عند الكمين

وفي الشارقة صرخ رغيّف

استفتحوا أهل الرصيف

من جلابيه مكرمشة

من كف دفأها القشف

من عيَّله شابطانه...

في التوكّه القماش

وصنايعي...

غَاوي الاصطباحة...

ببسكويته

حجر معسل ع السريع

فَرَش السكك جيش نمل

ساتراه الهدوم

هايجة ف وشوشهم حُفَر

عايمه ف رجولهم صخور

مواتير عجلها عكازين

مواتير.. تزوم

إلا انت مِتَكُومَ خَرَق

سم الهوان سَكَنَ وَلَادَه...

فى مُهَجَّتَكَ

فين سَرَحَتَكَ...

من دَبَّة القلب الرهوان...

زَى المشينة ما تَبْعَكَ؟

حلقك مجلجل ببضاعة.. مش هتبيعها

وعينيك ع الشيش

بينك وبينه عِشْرَة قديمة...

لُقْمَة عيش

فَالْكَ صَابِح

وعشان ما بُكْرَه ابن امبارح

والناس هُمَّا

وانت بتسعى...

تولع خناقة

ما بين شَبَّاك بلسان زالف

و.. ستارة عايقة ف بلكونة

_ لا انا اللي شَفْتُهُ يا مجنونة وناديت عليه

تطلع توشوش للمواعين

_ ماتقلقيش...

دى الوقت نارك هتصحصح

_ الفُونِيَه لازم تتغير

_ عُنْدِكَ هنا لحامين قصدير

-وَادى الْكَبَّاس هيعوز جِلْدَة

ويلين في إيدك بعد عناد

الْكُوشَة تسلك وتوهوج

_ تسلم عمايلك يامعلم

حِسَّكَ يزقزق ببضاعتك

نَافِش رِيْشُهُ

بِوَاكِيرِ الْجَازِ

أَيُّوهُ يَا حَاجَّهْ جَاي لِيْكَ دُوْغَرِي

وَلَا قَطْمَنِي وَجَاب دَاغِي

إِلَّا الزَّفْتِ الَّلِي اسْمُهُ الْبُوتَاكِازِ

هُوَ أَنَا يَعْنِي بِاشُوفِ الْغَيْبِ!!

كَانَ عِنْدَنَا دُكَّانَةُ مِ النُّجْمَةِ بِتَقْلُقِ...

وَتَصْحِينَا

نَرْقِيْهَا مِ الْعَفْرَةِ بِنَفْحَةٍ... مِنْ بَطْنِ الزَّيْرِ

الْأَسْطَى الَّلِي جَانِبِي مِنْ ضَهْرِهِ...

بِيَسْطَرَّهَا

وكأنها مِسْوَة فَرَحْه

الكاوية وعيدان القصدير...

راقدين سوا فوق التَزْجَه...

تقولش أَحَبَّا

بُورِي اللحم...

مشبوك في كِتْفَه الشَّطَّاطَة وعيدان كبريت

تشوفنا والشُّغْل سايقنا.. فَشَرَّ العفاريث

شربنا من خيرها دوارق صَنْعَة أبويا

الجو راق وبعدها...

رفع الصرمة!!

راح الدُّكَّان

ما هو صَاحِبُه كان طَالِبُ أُجْرَه...

تبَّيعَ العريان جلدُه
وطب الأسطى م الحسرة
العِدَّة عبيتها ف مِخْلَة
وبقيت لَقَاف
الرزق مَلْس على جرحي
بلحسة بلسم
بس الزمان الله يسامحه
استكترها
وكل ما بتوع الأنابيب
يندهوا نَذْهَة
الغم يكدر أنفاسي

يا نخيل ضفايرك بتلالي

زاد للمحروم والمستكفي

تمرك مهزوم!!

هي الخماسين هدمت قامتك؟

ولَّا الجدور اتبعثرت؟

الشمس لما اتدورت...

خنجر كسوفها شَقَّها

النَّشْعَ نَطَقَتْ سِخْنَتُهُ

والنمل مشلول في الجحور

نسمة هوا...

لسه بتداوي اللي نابها م السيول...

اتعكَّرت

لما الشجر قصدها ملهوف ع الطيور
فاضت جروحها بالغضب
واستغفرت

طيور هَجَرَهَا عَشَّهَا
طيور سَمَاهَا كَشَّرَتْ
طيور أوانها زَقَّهَا...
خُرْدَةٌ...
بتفهم ع السطوح
وبمخلة ما فيها ش الَّلُصَا...
في سَعِيهَا...
غَرِقَتْ...
طيور

ضي غضبان

كالعادة هيفوت الصباح

مشحون بآهات

ضمها لخسايرك في حسابك

شاييل فرمان من أحفادك...

تفضل زنهار على أعتابهم

وهيقطع فيه إن ولادك وقت خروجهم

خدوا من حروفك فكه للمترو

وسابوا لك الدعوات

واقفل ورانا الباب يا حاج

وہتعمل إیہ!!

حایل حبوب الضغط والسكر

افرد طولك

لو صورتوك هتكون منظر

يتحاكوا بیه

وشك مخطوف

هي السقوف حطت على دماغك

ولأ الهوا خان الرنتین؟

زهقان؟

ورقة وقلم رفعوا ف وشك رایة العصیان؟

طبعا معاك حق وغلطان

المشورة بین الدخان وكنكة البُن المغشوش...

ماجابتش جديد

نصبت شبكة للأفكار..

مافلحش الصيد

حاول ثاني

اسأل جرابك...

واهو جايز...

تَغْتَر في قصفوصة فكرة

يمكن عن ملاعب بُكْرَة

عن صُحْبَة خطفتهم مُوجَة...

لو ترمي حَبْلَك ينجدهم

هيغَرَقوك

عن نشوة ابوك في دفنْتُهُ...

شيطان في نور سورة البقرة
أو سهرة مع ليل مش طابقك
بيراهنك على خمسينة شاي...
مين اللي هيزهق م الثاني
عن بومة بتبخ أغاني
فوق جثة ناى
وازاى...
ظبطوك عسس الأشعار
بِتْزور قصيدة ف مخدعها
لا معاك إحم
ولا خدت م الحراس تصريح
حروف ركنتها للعوزة

أحلام شريدة بنيت لها العش بروحك

جيت تسكنه ف لقيته ضريح

يمكن تلاقي القلب اختار

في العشق حارات

لقتها وغطاها المدد

بيوت غواها الهدد

خرجت حيطانها تشتري

العمر الكسيح

من منبتك...

وزعت حيرتك ع السطوح

ترصد شروق الموتة في صريخ الجنين

استهترت ببك السنين

الْقَلَّةُ بَخَلَتْ بِالْكَلَامِ

فَتَشُقُّ رِيْقَكَ...

بِمَا تَيْسِرُ مِ الشَّجَوْنَ

يَرْمِيكَ حَنِينٌ عَلَى بَرٍّ قَدِيمٍ

يَرْسِي فِ قُلُوعِكَ...

شَيْخُ رَفَعَتْ

عَبْدُ الْوَهَابِ

فَيُرْوِزُ

وَنَجَاةً

سَتَفَتْ فِي الدَّوَالِبِ جَنَاحَاتِ...

مَنْحُوْتَةً مِنْ عِضْمِ الْعِشَاقِ فِي دُعَا الْكَرْوَانِ

فَضِيَتْ مَطَارِحَ لِلْأَحْزَانِ

شاركوك دَمَك

فرشت همَّك لاصحابك

دا بيشتكى القوت للمصحف

ودا كل ما يردم في جروحه...

حلقها يوسع

قضيت مشاويرك متصربع

وكانها آخر زادك

زَحَمْتُ بالدمع حدودك

لحد ما رفوفك وقعت

واتحرق الريش

غير الامتثال للريح مافيش

سَرَّب كراكيبك من حضنك

احلق تكشيرتك اعطّر

الدنيا نائمة ف أرابيزك

ربك يعافيك

شوف مين على بابك بيخبط

تكونش اللي هتخلي مراتك...

بورده ع الخد الدبلان؟

تكون طبول النقرزان

بتفتش ع الضي التايه في حوارى هواك؟

اتعشم في اللي نشاك

لسه الروح بتعافر فيك

داديهها على قد ما تقدر

يلا انتحرر

فك التكتيفه وقول أهلا

ما تمد إيديك

_ أهلا أهلا يا صباح الخير

يا صباح النور يا عجز

انت كويس

قاعد كده ليه

وحياتي يا جدو

بلاش هزار

جدو يا كسلان

باقول لك إيه يا حبيب يارا

ما تروح بقى تجيب الفطار

صحة طريق

قاعد معاك على دكة واحدة

من سنين أو من قرون

بتدرسوا كتاب الحياة

موجود في قلبك مقعده

بتمد له روحك حبال اذا

ما الطوفان في يوم رماه

وتظن انك في العنا...

لقيت لجرحك منتهاه

وانه وقت الموت نجاه

أيام تعدى بحلوها

يلهيك...

عن الصحبه اتجاه

وترد بصرك للى شاركك ع الطريق

تلقى الحريق بيدوِّقك

مر الأنين

تهجم على صدرك...

جناين زرع متخابث كرية

خِلْقَة شيطان

تفرع عليه...

من طعنك

وتسأله بآخر نفس

تقدر تقول لى...

انت مين؟

نسمة بتهرب م الخنقة

شالت صواني البكا...

ومريلة وفستان

بين مطرقة وسندان..

اتكرممش القلب العليل

كان وشها البهتان...

ناطق في لمتنا

كان عمرها القنديل...

بيزق في العتمة

مايهمكيش م الفرع

من قبضة الأنفاس

زيحي الغطا.. سَمِّي

لَمِّي...

اللي باقي م الحروق لَمِّي

ترقص...

بشارة جدتي لأمي:

_هتجيبني بنوّة

أبويا ينكش خزين يطلع بحدوته...

طرية على سنّها

أبويا هيجدد وضوء

لازم تبّلّه بعطرها

واما هتضحك...

هيخاف...

على القلب النونو...

لينفرط م الكركعة

وكتير هيخرج م الصلا يصرخ فيها...

كفاية زن وسرسة

كتير...

هترشق في ضلوعه

دموعها تشربها دموعه

وأكيد عيون أمي ترغرغ

هتتقمص...

ساعتين وأكثر

لو مره تانية...

شخط في النَوَّارَة...

ست البنات

لحد ما خرط الخراط

وضفيرة بصت من راسها

مجلة فيها صور لحليم

وعروسة...

من قماشات ألوان...

بايتين في أحضانها ليلاتي

كانت.. غيَّة

وفي الهجير والشتوية

نتحامى فيها...

أنا واخواتي

مرة ترققنا بدموع

ومره تبقى السوسة...

من بصَّتها...

شقشقة وهديل

نسمة ندية مورقة

بسمة تهش الشقا

تصد يوم الليل

منقد مواويل

شائنا التقييل بعد الدسم

وفرح ابويا اللي اترسم

على رزق مشبوك في خلاصها

تغزل عيونها وكراريسها...

حواديت... خيوطها تبات ونبات

امتي ناداها الصراط!

امتي رعرع في القلوب زهر الفراق!

امتي الملامح في عز نشوتها...

هدم ضياها التراب!

قبل ما يفوح في العروق سم الغياب

صرخ الوجع:

تَقِلْ عَلَيَّ الْحَسَابَ

مش جمعيات

لجراحة ابني الكبير

ولا دخول رمضان

ولا هجمة الفواتير

ولا وحش سارح في روعي...

حرمني م الرئتين

همي الدفين

الرعب من يوم الموقف

حسابي إيه!

وديوني كام!

في خروجها م السكن الرميم

سألتني رايح فين يا أبيه!

اوعي تقول عندك ندوة

والله نفسي أروح ويَّاك

وبعد ما تاكلنا التُّخْمَةَ
م الشُّعْرَا ودهون الأشعار
نروح على أقرب قهوة
أطلب عصير
تضحك وتقول...
خلينا.. ف شاي
نجري نغني نتمرجح
يوم ما اتخرج...
تفرش وليمة لأصحابك
ترمس بطاطا
دُرّة مشوي
وف فرحي أشوفك متأثر

بتخبي عينيك

كان نفسي... من تاني أوصف لك...

يومي الطويل في المدرسة

إزاي تلامذتي حبوني

يا أخويا يا نني عيوني

سكني القديم خالق روعي

فيه حد يرفض... ينزل ضيف

في رحاب الله؟

أنا رايحة أداوي في جروحي

أحضن أحبابي وأحبابك

يا حبيبي مش كده...

ما تعيطش

أنا باوعدك

لما ميعادك يشاور لك

هنكون هناك

مستقبلينك بالزغاريط

ف... ما تتأخرش

تعالیق

البيت بيتك

إن كنتِ جاية تزوريني...

وتشقي ع السَّكَّان

أنا برضه هادي لك؟

هنا حواديتنا

هنا تنكيتك

وهنا بسمه انفلتت منك...

كل ما نحزن بتططب ع البيت...

فينور

وهنا عياطك...

منقوعة فيه الحيطان

يوم ما قلتِ ما فيش أمان

لما سهَّانا (سليمان)

راح للوسع في الجبَّانة...

وساب لنا براح الخنقة

وده يبقى الكنب البلدي...

اللي إنتِ رَفَضْتِ أغيرِ شكْلَه

بعد أبويا وأمي ما سافروا

بعيون هَجَّتْ منها دموعها...

نَقَرَزْتِني:

_(لأ يا آبيه أنا عايزاهم زي ما همّا

بابا وماما اترسموا عليهم...

ينفع أبيهم؟)

(أدخل مرّة البيت وماشمّش ريحهم؟)

ريحتك وبإصرار أسعدنا...

راسها وألف جنينة...

ماناوية تسيبنا

ضحك عبيرها الطازة ونسنا

أما نسيم طيفك في منامي امبارح بينبهني:

_(ميعاد ميلادي النهارده فأكرينّه ولأّ خلاص نسيثوه؟)

خليني بس أطمّك

محفور في عُمرِي من سنين:

خمسين وفوقهم أربعة

وانا لسه ابن السَّاشِر

روحي بتتهجِّي حنين...

لضفيرة هتهادي صيامنا بهدوم العيد...

وعيدية معتبرة...

وبالين

في الواحد بعد الثلاثين من شهر أغسطس...

شَمْعُكَ قَاد

ضِيَّهْ مَزْأَطْ زِي مَا هُوَ

وَهُوَجْ.. زَاد.. لَمَّا هَجَرْتِينَا

حَبْ قَلُوبْنَا مَا بِيْفَارْقُوشْ

قَاعِدِينْ حَوَالِيهِ بِيَوْضِينَا

بِيَزِيخْ مِ الْمَشَاوِيرْ بِلَاوِينَا

اهْدِي يَا غَالِيَةَ عَلَيْنَا شَوِيَّةَ

اسْتَنْتِنَا

يَمْكُنْ حَالَا

يَمْكُنْ بَعْدُهُ

جَايِيْن لِكَ...

وَمَعَانَا...

التَّوْرَتَةُ

وسَّعُوا لِي

ولا حد راضى يوسَّع لِي

أنام جنبه

ولا خُرم إبره سمَّخ...

تعدَّى منه الروح

يالدغة المكتوب...

يالزقة التباريح

أصبحت سائل لحوح

بتزقنى الأبواب

مع إني طالب تراب

حُفرة استخبى فيها م الأحاب

قاعدين على كتافي

على رغيبي

وف شربة الميَّة...

المحرومة من ريقهم

في عيون حفيدي...

لما روعي تحضنها

وف ضحكة...

قصدت تزورني...

جبر للخاطر

وفي سيجارة غيار الريق

حرموني طعم الشروق

دمي شريد في العروق

لاجئ بيهرب م الونس

كأن فرقة عسس...

بتطارد الأنفاس

كأنه سيل كوابيس

كأن قيد نخاس...

للذُّل سَلَمْنِي

لو يرحلوا عني...

هاضحي بما أملك

بالسهره فوق السطوح

بلقمة عريانة...

كساها شوق جوفي

بشفطتين الشاي...

ورا مدفع الإفطار

بسيف جريد دبلان...

بارزت بيه التتار...

في معمعة حواديت

بلطمتين في الصبا...

مشوني فوق العجين

بلهفة الخجلان...

لضفيرة مرّت بعيد

وبحرقة جابها البريد..

من قلب متغرب

كل اما اقول أهرب...

يطعنني ١٠٠ سجان

دول مش صور...

ع الحيطان

دول الجبال العَصِيَّة...

حَمَلِي اللى انا باهواه

وسنُع البراح في الضيق

دا موت غتيت مكار

لا فاتني ولا جاني

دول مش ملامح عدم...

منحوتة في البراويز

دول العزاز...

اللى خانوا العِشْرَة...

و... هجروني

ينفع أسأل!!

يا ترى الواحد فينا...

لما يموت

هيحس مين حزنان؟

مين اللي قام من فرشته

غضبان عشان قلقوه؟

مين اللي قال في سرّه..

يججم أبوه؟

مين ما صدّقوا دفنوه؟

مين اللي حضر الجنازة

ماشافش ناس يعرفهم أو يعرفوه؟

ومين لملم هلاهيله...

وحساب ديونه وسابها..

للورثة؟

عشان في نومته يطمنوه

ومين اتمنى ابنه الكبير

(لو إنه عنده اولاد)...

يرجع من الغربة...

ويشيله على كتفه...

وياخذ عزاه؟

ومين في اصحابه...

ألمه مابيفارقوش...

مستني لحظة لقاه؟

يا ترى الواحد فينا...

قبل الموت

لو غاب سنة ورا سنة

عن خلق عاشرهم ...

أكثر من الدبان والنمل والصراصير

ممکن يخطر على بالهم...

لو حتى بمكالمة؟

ولّا هيبقى الحال...

لو عرفوا بوفاته

هيسخّوا بحر دموع

ويدبّجوا قناطير قصايد

ومرہ تانیہ...

یکفّوہ؟

ضراعة

باطلب منه ولا يكثر عليه

اموت مستور

في شرفي

وف اخلاقي

وف كلمتي

في اللي باقى...

من رصيدى...

ف صحتي

ولا يتحوج قلبي الفقير...

لنقطة دم من مخلوق

وكفاية...

روحي ترتوى...

لما ابلع ريق

وان مشيت فى طريق...

اقدر بعونه اكمله

يكفيني شر...

اللي لو خاصم فجر

يكفيني سوء الكلام فوق تربتى

ولا تتذكر إلا عيوبى

وكُتِرَ مَرَّاتٍ زَلَّتْ

باطلب منه ولا يكثر عليه:

أولادى يحفظوه فى القلب

ويقيموا شَرْعَه ف نسلهم

وف رزقهم

ولحد ما توصل ارواحهم...

آخر المشوار

ويجبنى هناك

ونبقى عيلة...

من تاني

السيرة الذاتية

- محمد عبدالمحسن سليمان مطر
- القاهرة، روض الفرج، ١٤/١٢/١٩٤٨.
- نشرت له قصائد فصحي بجريدة الدوحة القطرية.
- نشرت له قصيدة فصحي بجريدة الجمهورية العراقية ١٩٨٢.
- مجلة الثقافة الجديدة، قصيدة عامية ١٩٩٠.
- قصائد في دواوين مشتركة في جماعتي (الفجر) و (الجيل الجديد) ١٩٩٧، ١٩٩٨، ١٩٩٩.
- قصيدة بالعامية في مجلة روز اليوسف عام ٢٠٠٠ (ملف ١٧ شاعر عامية لا يعرفهم الاعلام).
- صفحة بجريدة القاهرة بمناسبة صدور ديوانه الثاني (روبابيكيا) بقلم أ.د. كمال نشأت، الشاعر والناقد الكبير.
- عضو العديد من الجمعيات الأدبية بالقاهرة والجيزة.
- نال درع الهيئة العامة لقصور الثقافة، مؤتمر أدباء مصر سنة ٢٠١٧.

الإصدارات:

- (١) بياع حلاوة، س. الإصدار الأول، هيئة قصور الثقافة.
- (٢) روبابيكيا، س. إشراقات أدبية، هيئة الكتاب.
- (٣) تايه على أكتاف الشوارع، س. شعر العامية، هيئة الكتاب.

الفهرس

الإهداء	٥
بعلم الوصول	٧
وداد	١٣
عشمي ف نظرة	١٨
حفان من طمي	٢٢
أنا من عروقك	٢٧
البحر قدامك ووراك	٣١
نزف	٣٧
معافرة	٤٢
شرارة ونس	٤٤
حبيب	٤٧
مراسي	٥٠
جميز معطوب	٥٩
تروس رماها المكن	٦١
ضي غضبان	٧١
صحبة طريق	٨٠
نسمة بتهرب م الخنقة	٨٣
تعاليق	٩٣
وسّعوا لى	٩٨
ينفع أسأل!!	١٠٣
ضراعة	١٠٧
السيرة الذاتية	١١٠
الفهرس	١١١